

倪俊明◎主編

廣東省立中山圖書館藏
稀見方志叢刊



國家圖書館出版社

廣東省立中山圖書館藏
稀見方志叢刊

倪俊明◎主編

國家圖書館出版社

②

朱慶瀾 修 梁鼎芬 纂

「民國」續廣東通志未成稿不分卷

(三)

民國五年(1916)修，廣東通志局稿本

第二冊目錄

〔民國〕續廣東通志未成稿不分卷（二）朱慶瀾修 梁鼎芬纂 民國五年（1916）修，廣東通志局稿本

訓典五（同治三年至十三年）		一
晷度表		一三三
山川略（廣州府）		一四七
兵制（附營汛兵餉馬政）		三一三
前事略（番禺縣）		四九九

總纂伍銓萃

分校何麟章

錄事朱士廉

陳登選分條校對
廣東省
分校何麟章


同治三年三月

上諭議政王軍機大臣等毛鴻賓奏官軍追勦客匪情形及留張運蘭一軍駐粵密陳添募楚勇緣由各摺片卓興之軍追勦陽江等屬分竄客匪疊有殲馘並將匪首曾白面豬擒獲而餘匪尚復分竄信宜東安所屬各地信宜久為賊擾之區甫經肅事斷不可令賊再行煽亂東安富霖洞新甯天堂墟地勢如何粵地率多山險尤不准任賊久踞又成負隅致滋棘手即著毛鴻賓郭嵩燾督飭卓興及侯勉忠等各軍實力進勦痛殲醜類客匪與逆匪究屬不同其應如何勦撫兼施妥為安插總期畏威懷德得以一勞永逸彌其釁隙免滋事端方為

妥善其由皖南竄越江西逆黨早有由新城等處圖越
閩境光邵一帶者並有欲回竄粵東之說不可不豫為
之防前據左宗棠奏請飭令福建臬司張運蘭一軍前
赴本任以資防勦節經諭令毛鴻賓等遵照辦理茲據
奏稱張運蘭一軍此時不可輕離粵境並據陳現今知
府劉德謙添募楚勇各情朝廷不為遙制第張運蘭既
不能即赴任而閩省防勦亟須豫為籌布著左宗棠徐宗
幹催督曾元福內渡之軍迅移得勝勁旅回顧腹區以
資調遣由江竄閩賊勢如何並著隨時馳奏張運蘭之
軍馳往英德於該處零星股匪自當迅速掃蕩劉德謙
楚勇即准其添募與為犄角速將各處伏匪翦除嚴布

分校何麟章

粵東毗連江閩邊境以防逆匪回竄其南韶與嘉潮兩路均屬不可大意而嘉潮民俗尤悍逆匪由閩之邵汀一路奔趨路尤徑捷且恐其黨與散歸者於該處為多張運蘭如移紮此路相機堵剿於閩省較為聲息易通即以劉得謙新募楚勇專防南韶亦覺便捷應即如何辦理之處著毛鴻賓等妥籌辦理該督既稱潮勇多不可靠其將方耀所部駐紮鎮平以顧嘉應一路是否合宜並著毛鴻賓妥籌調度毋稍疏虞



分校何麟章

同治三年六月

上諭議政王軍機大臣等毛鴻賓奏進剿客匪連破匪巢各摺片陽春客匪自竄入新興後經卓興等軍聯營進剿將古院回龍等處大小匪巢八十餘座盡行攻破斃匪千餘人餘匪向高明縣屬之五院逃竄客匪挾仇相殺兵連禍結積十數年勢難一概誅戮且其攫食求生情殊可憫亦與甘心叛逆者有間辦理之法總當勦撫兼施脅從罔治方有了期該匪等現經此次痛剿逃竄五院而五院客民復與高明土民相持未下勢將聯為一氣因結不解開平恩平鶴山等縣處處均虞竄突毛鴻賓郭嵩燾惟當乘此軍威正振該匪膽寒之時妥為

開導飭令將賊首戴梓潰速行交出其餘脅從即可分別良莠網開一面以期早就廓清一面嚴飭卓興等軍妥為布置毋任四處蔓延重煩兵力土客皆朝廷赤子若使窮蹙鋌走雖多行殺戮殊失朝廷勦辦之意毛鴻賓郭嵩燾諒能洞悉辦理也

同治三年六月

上諭議政王軍機大臣等毛鴻賓郭嵩燾奏藩司辦事竭蹶不勝繁劇之任一摺據稱藩司吳昌壽以知縣在粵候補已二十年屬吏半係故交不能破除情面派候補道府繼列督催核算交代該藩司一味遷就含糊搪塞釐務捐輸本供該藩司支放而該藩司茫無策畫於輕重緩急之序略不置意避就恩怨且窘於計畫兩次引病乞退經開導慰留原冀其力加振作詎料執持意見愈覺一籌莫展等語吳昌壽現已簡放湖北巡撫若如毛鴻賓等所奏辦事顛預諸務難資整飭於藩司尚難稱職又安望其身任封圻實力整頓耶惟又據該督撫

奏稱吳昌壽性情耿直操守廉潔頗為時譽所推時其
人品亦尚可取且吳昌壽從未服官楚北該省屬員未
必多係故交或可望其振刷精神力圖整頓吳昌壽到
鄂後是否堪以勝任之處著官文隨時察看據實奏聞

錄事朱士廉

分校沈文蔚

同治三年九月

上諭內閣毛鴻賓等奏查明長隨虧餉為子壻蒙捐官職
咨提審辦請將蒙捐各員革職解訊一摺據稱已故代
理揭陽縣知縣潘銘憲長隨唐幅即唐希燕又名唐錦
於咸豐九年間先後領文管解地丁稅羨等銀赴省投
納輒敢任意侵挪為其子唐應坤蒙捐同知分發福建
又為其壻王有源報捐縣丞分發廣東事後復將解文
稿件銷毀滅跡實屬膽大妄為目無法紀唐幅現經逃
往唐應坤寓所即著移咨福建巡撫派員將該犯唐幅
並伊子唐應坤一併拏解廣東從嚴究追懲辦王有源
現已捐升知縣更名秉廉著與唐應坤一併革職歸案

質訊唐幅次子唐美謙唐美讓均經蒙捐官職並著查
明分別咨革提究以慎名器而肅紀綱

同治三年九月

上

諭內閣總管內務府大臣奏統籌庫款全局請飭部妥議章程一摺內務府廣儲司銀庫備辦內廷一切供支並紫禁城直班官兵口糧等項均係必不可少之款原係粵海關按年解交公用銀三十萬兩以供急用乃該關歷年積欠甚鉅曾經該衙門疊奏請將該監督及該省督撫等參處並兩次奏借戶部銀三十萬兩粵省督撫及粵^海關監督累次奏請改撥亦經該部衙門議駁而議駁之後仍未能踴躍報解內廷正供幾屬虛懸實屬不成事體著戶部將粵海關指撥一切款項通盤籌畫務將應解內務府公用銀三十萬兩令該監督按季

全數報解迅速妥議章程奏明請旨遵辦以重要需此
項公用銀兩係常年正供並非額外工作及服物玩好
之用惟物力艱難理財首宜節用嗣後宮內雖尋常工
作非大不得已者亦著酌量停緩以節糜費其餘一切
照例進御服飾器皿等件並著總管內務府大臣等懷
遵疊次諭旨覈實備辦力求_節節以示朝廷崇儉黜奢
之至意

同治三年九月

上

諭議政王軍機大臣等前因有人奏毛鴻賓不能安插散勇致該省盜劫頻仍勒捐一味偏勒致紳商紛紛逃匿當將原奏一條摘鈔給予該督閱看並諭令將各處散勇妥為安插毋令滋事近據毛鴻賓遵旨覆奏摺稱安插散勇人數雖衆訪查在鄉間尚能相安南海等縣劫案每月間有數起不至如原奏之多所指捐者多係商富而刁民林青萍等不肯報效逃避香港澳門等處依附洋人並非逼勒等語續有人奏毛鴻賓不能安插陳金缸等散勇致令千百成羣劫掠為生南海等縣劫案一月有多至四十餘起者省垣近地銀號有被盜假